



**Wir trauern um unser
langjähriges Vereinsmitglied
Ingrid Spitzner,
die am 15.07.2021 verstorben ist.
Mit ihrer herzlichen und
freundlichen Art nahm sie aktiv
an unserem Vereinsleben teil.
Wir werden sie stets
in ehrendem Gedenken behalten.
Der Vorstand**

Dor außerplanmässige Mittwoch

Weil mir su lang net zamwarn, ham mir gelei noch emol den außergewöhnlich Termin genumme, um uns aa wieder im Voreinshaus ze traffn un eweng ze singe. Dodorzu hab iech mir ne Möckels-Ralph mit sein Akkordschon eigelodn, su braucht iech net allaane mit meiner Gitarr imhaarzestieh. Eh mir aber su richtig aafange kunntn, kam als leberrasching dor Pawlowsky-Sohn mit seiner Fraa un ham in Auftrug dor Rosmarie un zen Gedenkn for jedn e Glasl Sekt ausgabn! Des is dann ganz lustich wurm, weil mir uns an ihre schenn Polonäs'n zur Fosnd gedacht ham, do is se jedsmol mit ihrn Tambureng vornewag gange un allis musst ihr hinnerharrenne! Dankeschön, Rosmarie! Ebenso ein Dank an de Gisela mit ihrn Halfern – is war wieder schie bei eich un is Assn hat sehr gut geschmeckt! Bis zen nächstn Mol!



FAHRDIENST

Wer am 05.08.2021 zum Normaplatz und vom Spartenheim nach Hause gefahren werden will, der möchte bitte anrufen:

Johannes Wüst Tel.: 3807

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt I



Nummer
197

Mitteilungsblatt des
Erzgebirgischen Heimatvereines
Eibenstock e.V.

August
2021



Dor Robert mit seine Bandoneon-Kinner

**Des war de Doröffnung vu unnern Bargbaulehrpfod
am Donnerstich, ne fuffzahnntn Juli anno 2021**

Unner Bargbaulehrpfod is doröffnt wurn – des haaßt – dor erschte Abschnitt! Do sölln ja in de nächstn Gahrn noch zwee dorzu komme. Aber itze giehts im de Eiweihingsfeierei vun Erschtn: Nooch einiche Absprochn wie mor die Sach gestaltn wölln, hat unner Bürchermaaster eigelodn, mit Rickantwort, dodormit mir halmwags wissen, for wieviel Leit mir de Vorsorchn mit Roster un Getränkle raaschaffn müssn. Zen Schluss warn esu im de 50 Leit samt Kinner dorbei!



Als Programmauftakt – nabn de Grußredn - solltn de Carlsfaller Bandoneons mit e paar Liedle aufspieln. Wu die esu viertl Dreie rim aakame, tats eweng regne un iech saat gelei zen Wallschläger-Robert, des is kaa Wunner, vu Calrlsfald kimmt immer weng schlachts Watter, des habt ihr

mietgebracht. Aber dor Robert hat gut gekonntert un saat drauf, im Dreie tats aufgehörn un de Sonn käm raus. Desselbe tat noocherts aa noch dor Bürchermaaster verkündn un - waß dor Bock - Schloch Dreie war dor Regn wag! Mit ne „Eimstocker Marsch“ ginge de schenn Bando-



neon-Klängle lus. Noochdam unner Schürer alle begrießt hat, dor Bürchermaaster sein Dank an alle Helfer bein Pfodbau dargebracht hat, kam aa noch dor Projektchef, dor Helm, Thomas ze Wort.



De Kinner vu dor Grundschul hattn siech an Rand aufgestellt un tatn dann kräftich mit alln, die do warn, is Steicherlied aastimme. Dann gings aa schu lus, paar Kinner durftn is Band zur Eihweihing durchschneidn un lus ging de Rund durch de Bargbaugeschicht, dor Thomas



Wir gratulieren unseren Heimatfreunden

Heinz Jacob	am 02.08.	zum 87. Geburtstag
Karin Bauer	am 02.08.	zum 65. Geburtstag
Ina Valdorf	am 05.08.	zum 57. Geburtstag
Sigine Irmisch	am 08.08.	zum 80. Geburtstag
Eveline Büttner	am 11.08.	zum 71. Geburtstag
Anja Hahn	am 14.08.	zum 45. Geburtstag
Ramona Limpert	am 21.08.	zum 64. Geburtstag
Eva Gebauer	am 22.08.	zum 83. Geburtstag
Burkhardt Zinner	am 23.08.	zum 71. Geburtstag
Sabine Zinner	am 26.08.	zum 66. Geburtstag
Gabriele Bonstein	am 28.08.	zum 73. Geburtstag
Christine Winter	am 30.08.	zum 76. Geburtstag



*Wenn du am Morgen erwachst, denke daran,
was für ein köstlicher Schatz es ist,
zu leben, zu atmen
und sich freuen zu können.
- Marc Aurel -*

Glückauf ihr Leit -is is su weit !!!

*Mir traffn uns zur Kramserfahrt
am Donnerstich, 5. August, 16.00 Uhr
aufn NORMA-Parkplatz, eisteign,
dann neine Wald
un noocherts zen Jürgen ins
Spartnheim an dor Vodlstroß,
do gib'ts dann noch wos Guts ze Assn*

+++++

*Un im September, an 9.9. giehts
mit ne Lift nauf of de Adleralm
un anschl. neins Vereinshaus*



De Quartreiber

Dor Quartreiber, des is e Mensch,
dar hats net gern harmonisch.

Dar leid unner Angriffslust,
un des aa noch ganz chronisch.

Dar lästert hier un stichlt dort
mit riesichn Vorgniegn;
dormit sei Plan vollendt aa werd,
soocht dar vor alln viel Lügn.

Im Mittelpunkt will dar nár stieh,
drim macht dar sölche Sachn.
Denn uhne die tát kaum e Mensch
siech aus den Kerl wos machn.

Drim gab iech eich den Rot:
Beacht den gar net viel.
dar will doch nár den Unnergang,
des is sei aanzich Ziel.

von Norbert von Tiggelen,
wie immer neins gebirgische
gewirblt vun Schmidti



Is gibt sette un sette

Su unnerschiedlich
sei de Leit -
net bluß in dor Statur.
Na, na, iech maan
im ganzn Waasn -
su rein vu dor Natur.

Dar aan ausn Nachbarhaus,
dar grüßt ganz freindlich rieber
un lädt en ofn Schwatz glei ei
mol in sein Gartn rieber.
Dorzählt en, wies in Urlaub war
un wos de Kinner machn.
Un glabt mors, Leit,
dar kaa fei aa
su richtig harzhafft lachn.

Dar annere, dar hot ze tu,
des ar en Gruß bringt raus
un is fei ruck-zuck üm de Eck
un murmlt hinnern Haus
for siech wos nei sein Bart,
mor kaas net definiern
iech glab, wenn dar mol
freindlich wär,
do tät siech dar cheniern.

Su unnerschiedlich sei de Leit
im Waasn un im Labn,
is war immer su un wird
wuhl aa
stets sette un sette gabn.

Heidrun Auerswald

tat allis genau beschreibn, wos
mor esu sah kunnt. Mir sei dor-
weile mit hinner gefahrn ofn
Garstnbergweg bis dortn hie, wu
mor de Staumauer vu dor Talsperr
sah ka. Do stieht nämlich aa dar
neie Koloss vu ner schenn
Blockhitt, die unner Sachsnforsch
extra aufgestellt hat. Gelei dornabn
hat unner Maixner-Thom gerostert
un unnere Dame ham de Getränke
vortaalt, als su noochenanner de



Leit vom Rundgang kame un Hunger
un Durscht hattn. Is ging allis schie
lustich zu, mir hattn aa schiene
arzgebirgsche Liedle mit in unner
Vorstärker un de Urs hat mit dor
Karin sugar e klaans Tänzl hie-
geleecht. Zen gutn Schluss nooch
vieln Gesprächn unneranner warn
allezam zefriedn mit den
Eiweihingsfast. Do kame de Stadt-
arbiter un mir ham gemeinsam allis
sauber zamgereimt. In Rast vu dor
Trinkerei ham mir dann neine
Rothaus nauf de Stufn geschafft,
denn dor Bürchermaaster hat des ja
allis schließlich bezohlt.



Su war dar Tog aa gut gelunge un mir kunntn ehamgieh. In nächstn
Tog hat uns is Stadtoberhaupt ne Dankeschön-Mäl per Kompjuter



geschickt, do ham mir uns
sehr drierber gefreit!
Itze kennt ihr alle mol dohin-
ter gieh un eich des erschte
neie schiene Abschnittl vom
Bargbaulehrpfod aasah.

Viel Spaß dodorbei wünscht
eich eier Schmidti

Des warn de vorrücktn Spielerein in Q-Stall!

Des war e Auftakt zweetausndaanezwanzich! Endlich wieder emol im Vorein enanner traffn kenne nooch dare lange Pandemie-Virus-Zeit – ieber e ganzis Gahr lang! Zeerscht war guter Rot teier – weil – mir solltn ja immer noch net of engstn Raum zamtraffn, su wie halt des Regularium vürgeschrieben war.

Do gabs net viel dor Meechlichkaatn in Eimstock, also probiern mirs emol im Q-Stall! Dortn ka mor ja wens Watter mitspielt aa im Freie wos unnernamme. Nu do ward gelei de Chefin, de Seidel-Ulrike intorvjut. Die war glei dorbei un su ham mir uns e paarle mol ogestimmt, wos mor aastelln kenne, wos gieht un wos aa for unnere nimmer ganz su gunge Leit machbar wär.



Iech muss zuegabn, am Aafang hat iech schu eweng Bedenkn, des dor aane oder annere do net mietmachn tät – aber haste gedacht: Sofort gobs



de Aamaldunge un haste diech net vorsah warn 43 bereit, des Spektakl ze vorsuchn!

Zeerscht ham se alle mol Platz genumme un ewos ze Trinkn bestellt. Aber dann gelei kam de Ulrike ans Mikro un hat uns aufgeklärt, wos is for Spielerein gibts, die alle mitmachn kenne, war nu ubedingt net will – dar muss zemindts aufschreibn, des net gemoglt werd. Dann wurn de Gruppel ausglust, wie se mitenanner ze spieln hätt, des war schu mol lustich, iech war zen Beispiel bei de Greipele

E paar Spiele warn drinne, annere drausn vorn Stall, vun Gewehr-



Armbrustschießn, Hufeisen- un Gummistepplnwarfn bis zen Strip-Strap-Malkn war allis dorbei. Mir hattn gedacht, su ne Stund werds schu gieht – naa is sei ball 2 Stund draus wurn un is hot in Haufn Spass gemacht! Zen Schluss gobs dann aa noch ne Siecherehring for de erscht drei Gruppel mit nern Schnapsl als Beluhning.



Anschließnd gobs aa ewos guts ze assn: zeerscht ne feine Vürspeis of nern Salat-taller, do ham e paar gedacht, des wär schu allis. Noocherts kame aber noch e paar gute Wiener mit Ar-deppsalat. Des hat jedn gut geschmeckt un bei e paar gutn Getränkle ham allesamt



ganz schie lang ausgehaltn – is gob ja aa genuch ze dorzähl, nooch dar lange damischn Enthaltssamkaat! Wie mor dann endlich gange sei - also wie immer dor harte Kern – ham mir gelei gesaat, des war net dor letzt Besuch im Q-Stall, ganz un gar net, mir kumme wieder! Bestn Dank an de gute Vürbereitung, de Spielrechie un Bedienung vun Q-Stall-Tiem!

Glückauf --- eier Schmidt!